

Tekjur Nýherja aukast um 16% á fyrri árshelmingi og afkoma jákvæð

Nýherji hagnast um 111 mkr á fyrri árshelmingi 2015 og öll félög samstæðunnar skiluðu hagnaði

REYKJAVÍK - 26. ágúst 2015 - Nýherji kynnti í dag uppgjör annars ársfjórðungs og fyrri árshelmingis 2015. Heildarhagnaður nam 69 mkr á öðrum ársfjórðungi og 111 mkr á fyrri árshelmingi.

Helstu upplýsingar:

- Vöru- og þjónustusala á öðrum ársfjórðungi nam 3.386 mkr (19% tekjuvöxtur samanborið við Q2 2014) og 6.649 mkr á fyrri árshelmingi (16% tekjuvöxtur samanborið við 1H 2014) [Q2: 2014: 2.853 mkr, 1H 2014: 5.712 mkr]
- Framlegð nam 830 mkr (24,5%) í Q2 og 1.638 mkr (24,6%) á fyrri árshelmingi [Q2 2014: 749 mkr (26,3%), 1H 2014 1.502 mkr (26,3%)]
- Heildarhagnaður annars ársfjórðungs nam 69 mkr og 111 mkr á fyrri árshelmingi [Q2 2014: 69 mkr, 1H 2015: 125 mkr]
- EBITDA nam 227 mkr (6,8%) á öðrum ársfjórðungi og 452 (6,8%) á fyrri árshelmingi [Q2 2014: 207 mkr (7,3%), 1H 2014: 398 (7%)]
- Jákvæð rekstrarafkoma var hjá öllum félögum samstæðunnar á fyrri helmingi ársins
- Jákvæð afkoma á sex seinustu ársfjórðungum

Finnur Oddsson, forstjóri:

„Við erum sátt við rekstur Nýherja og dótturfélaga á öðrum fjórðungi og það sem af er ári. Afkoma samstæðunnar á fyrri helmingi árs er yfir áætlunum og betri en á sama tímabili í fyrra. Það er ánægjulegt að sjá verulegan tekjuvöxt á milli ára, bæði í vöru- og þjónustusölu innanlands og hjá TEMPO, þar sem erlendar tekjur halda áfram að aukast hratt. Hundruð nýrra viðskiptavina bættust í ört stækkandi hóp á fjórðungnum, en í ljósi aukinna umsvifa er gert ráð fyrir að að starfsfólki TEMPO fjölgi umtalsvert á árinu. Til að styðja við frekari vöruþróun, tengslauppbyggingu og markaðsstarf erlendis, verður allt að fjórðungshluttur í TEMPO settur í söluferli í lok þriðja ársfjórðungs. Góður gangur er svo í rekstri annarra dótturfélaga Nýherja, sérstaklega í sölu á nýjum og spennandi mannauðs- og launalausnum frá Applicon á Íslandi og bankalausnum hjá Applicon í Svíþjóð.“

Rekstrarniðurstaða á fyrri árshelmingi 2015

Rekstrarreikningur - Lykiltölur		
Í milljónum ISK	1H 2015	1H 2014
Seldar vörur og þjónusta	6.649	5.712
Vörunotkun og kostn.verð seldrar þjónustu	(5.011)	(4.210)
Framlegð	1.638	1.502
Rekstrarkostnaður	(1.346)	(1.252)
Rekstrarhagnaður	292	250
Hrein fjármagnsgjöld	(112)	(82)
Hagnaður fyrir tekjuskatt	180	167
Tekjuskattur	(37)	(36)
Hagnaður tímabilsins af áframhaldandi starfsemi	143	132
Tap af aflagðri starfsemi	0	(26)
Hagnaður (tap) ársins	143	106
Rekstrarliðir færðir beint á eigið fé	(32)	19
Heildarhagnaður (-tap) ársins	111	125
EBITDA	452	398

- Sala á vöru og þjónustu nam 6.649 mkr á fyrstu sex mánuðum ársins, samanborið við 5.712 á fyrri árshelmingi 2014, sem er aukning um 16,4% á milli ára
- Framlegð nam 1.638 (24,6%) á fyrri árshelmingi, samanborið við 1.502 (26,3%) á fyrri árshelmingi 2014
- Rekstrarhagnaður var 292 mkr á fyrri árshelmingi, samanborið við 250 mkr á fyrri árshelmingi 2014 og hækkar um 17% á milli ára
- Rekstrarkostnaður var 1.346 mkr á fyrri árshelmingi (20,2% af tekjum), samanborið við 1.252 mkr (21,9% af tekjum) á sama tímabili 2014
- Hrein fjármagnsgjöld námu 112 mkr á fyrri árshelmingi, samanborið við 82 mkr á sama tímabili í fyrra. Lægri fjármagnsgjöld á fyrri hluta árs 2014 eru vegna gengishagnaðar sem nemur 39 mkr samanborið við 4 mkr gengistap á fyrri hluta árs 2015
- EBITDA nam 452 mkr (6,8%) á fyrri árshelmingi, samanborið við 398 mkr (7,0%) á sama tímabili í fyrra
- Heildarhagnaður á fyrri árshelmingi var 111 mkr, samanborið við 125 mkr sama tímabil í 2014

TIL BIRTINGAR MIÐVIKUDAGINN 26. ÁGÚST 2015
<http://www.nyherji.is/um-nyherja/hluthafar/>

Efnahagsreikningur 30.06.2015 - Lykiltölur		
Í milljónum ISK	30.06.2015	31.12.2014
Fastafjármunir	3.039	3.038
Veltufjármunir	2.945	2.732
Eignir samtals	5.984	5.771
Eigið fé	1.074	963
Langtímaskuldir	2.566	2.651
Skammtímaskuldir	2.344	2.157
Eigið fé og skuldir samtals	5.984	5.771
Veltufjárlutfall	1,26	1,27
Eiginfjárlutfall	17,9%	16,7%

+

- Veltufjármunir hækka um 213 mkr frá árslokum 2014, úr 2.732 mkr í 2.945 mkr. Mest vegur hækkun á viðskiptakröfum (140 mkr) og handbæru fé (44 mkr)
- Vaxtaberandi skuldir lækka um 21 mkr frá áramótum og eru 3.049 mkr
- Eiginfjárlutfall hækkar frá árslokum og er 17,9%

Sjóðstreymi - Lykiltölur		
Í milljónum ISK	1H 2015	1H 2014
Handbært fé frá rekstri	274	88
Fjárfestingahreyfingar	(226)	(69)
Fjármögnunarhreyfingar	(3)	(183)
Hækkun (lækkun) á handbæru fé	45	(164)
Áhrif gengisbreytinga á handbært fé	(1)	(5)
Handbært fé í ársbyrjun	79	451
Handbært fé í lok tímabilsins	123	282

- Handbært fé frá rekstri er 274 mkr fyrstu sex mánuði ársins samanborið við 88 mkr á sama tímabili 2014
- Fjármögnunarhreyfingar eru meiri árið 2014 vegna meiri breytingu í vaxtaberandi skammtímaskuldum sem eru tilkomnar vegna sölnnar á Applicon AS
- Handbært fé í lok tímabilsins nam 123 mkr samanborið við 282 mkr á sama tímabili 2014

Rekstrarniðurstaða á öðrum ársfjórðungi 2015

Ársfjórðungsyfirlit - Lykiltölur					
Í milljónum ISK	F2 2015	F1 2015	F4 2014	F3 2014	F2 2014
Seldar vörur og þjónusta	3.386	3.263	3.315	2.545	2.853
Vörunotkun og kostn.verð seldrar þjónustu	(2.556)	(2.456)	(2.475)	(1.876)	(2.104)
Framlegð	830	808	840	669	749
Rekstrarkostnaður	(685)	(661)	(674)	(558)	(616)
Hagnaður fyrir fjármunatekjur og fjármagnsgjöld	145	147	167	112	133
Hrein fjármagnsgjöld	(80)	(33)	(111)	(98)	(52)
Hagnaður fyrir tekjuskatt	66	114	55	13	82
Tekjuskattur	(14)	(23)	69	(2)	(17)
Hagnaður tímabilsins	52	91	124	12	65
Þýðingarmunur erl. dótturfélaga	18	(50)	(2)	0,5	4
Heildarhagnaður tímabilsins	69	41	122	12	69
EBITDA	227	225	241	188	207

- Sala á vöru og þjónustu nam 3.386 mkr á öðrum ársfjórðungi, samanborið við 2.853 á sama tímabili árið 2014, sem er aukning um 18,7% á milli ára
- Framlegð nam 830 (24,5%) á öðrum ársfjórðungi, samanborið við 749 mkr (26,3%) á öðrum ársfjórðungi 2014
- Rekstrarkostnaður var 685 mkr á öðrum ársfjórðungi (20,2% af tekjum), samanborið við 616 mkr (21,6% af tekjum) á sama tímabili 2014
- Hrein fjármagnsgjöld námu 80 mkr á öðrum ársfjórðungi, samanborið við 52 mkr á sama tímabili í fyrra
- EBITDA nam 227 mkr (6,7%) á öðrum ársfjórðungi, samanborið við 207 mkr (7,2%) á sama tímabili í fyrra
- Heildarhagnaður á öðrum ársfjórðungi var 69 mkr

Nýherji: Tekjuvöxtur og góð afkoma

Tekjur móðurfélags Nýherja jukust um 19% í ársfjórðungnum og var afkoma yfir áætlunum og betri en á sama tíma í fyrra. Vöru- og þjónustusala gekk vel, einkum stærri miðlægar lausnir, hljóð- og myndbúnaður og prentlausnir. Mikil sala er áfram í einstaklingstölvum frá Lenovo, að stórum hluta í gegnum heildsölu og sterkt net endursöluaðila. Lenovo hefur svo styrkt stöðu sína á snjallsímamarkaði með kaupum á Motorola, en Nýherji hefur að undanfögnu kynnt slíka síma í samstarfi við endursöluaðila.

Skipulag hjá móðurfélagi Nýherja, sem tók gildi fyrir ári hefur eflt sölustarf og bætt þjónustuupplifun viðskiptavina. Á sama tíma hefur tekist að halda rekstrarkostnaði undir áætlun.

Nýherji gekk frá kaupum á öllum hlutum í Hópvinnukerfum ehf., FOCAL Software. Fyrir kaupin átti Nýherji 42% hlut í félaginu. Markmið Nýherja með kaupunum er að efla framboð á eigin hugbúnaðarlausnum og munu allir starfsmenn Hópvinnukerfa hefja störf hjá Nýherja í september.

Horfur hjá móðurfélagi Nýherja eru ágætari, en áfram verður unnið að þjónustuumbótum og hagræðingu í rekstri.

TM Software ehf.: Tekjuvöxtur en afkoma undir væntingum

Tekjur TM Software á öðrum ársfjórðungi jukust umtalsvert á milli ára eða um rúm 18%. Afkoma TM Software var jákvæð, en þó lítillega undir áætlunum í ársfjórðungnum. Minni eftirspurn var eftir þjónustu sérfræðinga á heilbrigðislausnasviði en gert var ráð fyrir, en tekjur og afkoma veflausnasviðs voru hins vegar í samræmi við áætlanir. Gert er ráð fyrir að fjölga þurfi starfsfólki á veflausnasviði TM Software á seinni hluta árs, í samræmi við góða verkefnastöðu.

Tempo ehf.: 500 nýir viðskiptavinir og fjölgun starfsfólks

Rekstur TEMPO gekk mjög vel á öðrum ársfjórðungi og afkoma var yfir áætlunum. Kraftmikilli vöruþróun var haldið áfram og nýjar útgáfur af öllum vörum fyrirtækisins litu dagsins ljós, þ.e. Timesheets, Planner, Books og Folio. Tekjur vaxa áfram hratt, en viðskiptavinum fjölgaði um 500 í ársfjórðungnum. Horfur eru á áframhaldandi tekjuvexti og er gert ráð fyrir að starfsfólki fjölgi um 30 á árinu. Um 70 manns starfa hjá TEMPO í dag bæði á Íslandi og í Kanada. Tekjur á fyrstu sex mánuðum ársins námu um USD 4,6 milljónum sem er 62% tekjuvöxtur frá sama tímabili í fyrra. Gert er ráð fyrir áframhaldandi tekjuvexti og eru horfur í rekstri TEMPO góðar.

Ákveðið var á tímabilinu að setja allt að 25% eignarhlut í TEMPO í söluferli. Félagið hefur ráðið Icora Partners sem umsjónaraðila, með lokuðu útboði. Þess er vænst að söluferlið muni hefjast í lok þriðja ársfjórðungs 2015. Markmiðið með útboðinu er að styðja enn frekar við hraðan vöxt TEMPO, með auknu fjármagni og sérþekkingu, sem mun nýtast annars vegar til að hraða vöruþróun og hins vegar til að auka markaðsstarf og styrkja uppbyggingu TEMPO vörumerkisins erlendis.

Applicon ehf.: Góður árangur í sölu mannauðs- og launalausna

Rekstur og afkoma Applicon var í takti við áætlanir. Góður árangur náðist í sölu á Kjarna, nýrri mannauðs- og launalausn í skýinu. Tímamótasamningur náðist í sölu Kjarna til Reykjavíkurborgar, en þar var félagið hlutskarpast í opnu útboði. Þá var Kjarni tekinn í notkun hjá ISAVIA og ÁTVR. Ágætur árangur náðist einnig í sölu á SAP HANA, sem er leiðandi lausn á sviði gagnagrunna. Tekjur af slíkum verkefnum munu skila sér að miklu leyti síðari hluta árs ásamt tekjum af vinnu við sameiginleg verkefni Applicon félaganna í Svíþjóð. Horfur í rekstri eru góðar.

Applicon AB í Svíþjóð: Ný verkefni fyrir seinni árshelming

Afkoma Applicon var jákvæð og í samræmi við áætlanir. Mikil vinna var lögð í undirbúning nýrra verkefna í fjórðungnum og er gert ráð fyrir að þau muni skila tekjuvexti og bættri afkomu á seinni helmingi ársins. Auk samstarf við CGI og SAP um uppsetningu bankalausna sem skýþjónustu hefur Applicon meðal annars starfað fyrir Aman Bank og SAP að undirbúningi við uppsetningu bankakerfis fyrir nýstofnaðan banka. Horfur í rekstri eru góðar.

Horfur

Horfur í rekstri Nýherjasamstæðunnar eru góðar. Gert er ráð fyrir áframhaldandi hóflegum vexti tekna og afkomu Nýherja og dótturfélaga á árinu 2015.

Hluthafar

Markaðsvirði fyrirtækisins í lok annars ársfjórðungs 2015 var kr. 4.346 milljónir. Lokaverð í ársfjórðungnum var kr. 10,6 á hlut. Fjöldi útgefinna hluta þann 30. júní 2015 voru 410 milljónir og voru hluthafar 337 talsins.

Kynningarfundur þann 27. ágúst 2015

Kynningarfundur fyrir fjárfesta og markaðsaðila verður haldinn fimmtudaginn 27. ágúst 2015 í höfuðstöðvum félagsins að Borgartúni 37 í Reykjavík og hefst hann kl. 09:00. Finnur Oddsson, forstjóri mun kynna afkomu félagsins. Hægt er að nálgast streymi af fundinum á heimasíðu félagsins. Kynningarefni af fundinum er hægt að nálgast á heimasíðu félagsins, www.nyherji.is, að honum loknum.

Fjárhagsdagatal fyrir 2015

Áætluð birting árshlutauppgjörs fyrir árið 2015:

- 28. október 2015: Uppgjör 3. ársfjórðungs og fyrstu níu mánaða ársins 2015
- 28. janúar 2016: Uppgjör 4. ársfjórðungs og ársins 2015

Samþykkt árshlutareiknings

Árshlutareikningur var samþykktur á stjórnarfundum Nýherja hf. 26. ágúst 2015. Árshlutauppgjör Nýherja hf. er í samræmi við alþjóðlega reikningsskilastaðla (IFRS-International Financial Reporting Standards). Árshlutauppgjörð hefur hvorki verið endurskoðað né kannað af endurskoðendum félagsins.

Nýherji hf.

Nýherji er samstæða fyrirtækja í upplýsingatækni. Nýherji er þjónustufyrirtæki og hlutverk fyrirtækisins felst í að aðstoða viðskiptavinum að ná enn betri árangri í sínum rekstri með aðstoð upplýsingatækni, sérfræðipækkingu starfsfólks og lipurri þjónustu. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Í stjórn Nýherja eru Benedikt Jóhannesson, stjórnarformaður, Hildur Dungal, Marta Kristín Lárusdóttir, Ágúst Sindri Karlsson og Loftur Bjarni Gíslason. Guðmundur Jóh. Jónsson er varamaður í stjórn. Finnur Oddsson er forstjóri Nýherja.

TIL BIRTINGAR MIÐVIKUDAGINN 26. ÁGÚST 2015
<http://www.nyherji.is/um-nyherja/hluthafar/>

Nánari upplýsingar

Finnur Oddsson forstjóri í síma 862-0310 eða fo@nyherji.is og Gunnar Petersen framkvæmdarstjóri fjármálasviðs í síma 825-9001 eða gp@nyherji.is.

Til athugunar fyrir fjárfesta

Nýherji vekur athygli á því að staðhæfingar sem finna má í þessari fréttatilkynningu kunna að vera byggðar á mati og áætlunum stjórnenda félagsins en ekki á staðreyndum sem hægt er að sannreyna af birtingu tilkynningarinnar. Eðli málsins samkvæmt fela slíkar staðhæfingar í sér óvissu. Athygli fjárfesta er vakin á því að margir þættir geta haft þau áhrif að rekstrarumhverfi félagsins og afkoma verði með öðrum hætti en forsendur gera ráð fyrir í tilkynningunni. Þessi tilkynning verður ekki endurskoðuð eftir birtingu hvað þetta varðar. Staðhæfingar sem finna má í þessari fréttatilkynningu gilda eingöngu á því tímamarki þegar fréttatilkynningin er birt og takmarkast gildi þeirra við það sem segir í fyrirvara þessum.